


慶
弘
聞
日
鈔
自
第
五

安田照矩編輯

5
3996
6



明治七年甲戌冬發行



此史自第一至第三
業已附于慶弘紀聞

慶弘
紀聞

安田照矩編輯

今日鈔

自第四
至第九

其親樓藏版

U伊5
3996
6



延其親君著今日鈔闕筆 降嫁
然厥時主成以還史亦已成而
德川氏奉歸政權于
朝廷而畢公錫忝友其親君乃嘗
請讀之如主能文用心先括已
焉何漢主之強然公錫觀以史

慶弘紀聞今日鈔序

其見樓藏版

體儼乎艱難紛擾之際而列藩報
國壯士勤王三軍悔成事蹟與故
事耳歷皆班之指掌可謂開曉初
辨物色古者初于西三條氏十年
勿披之家史自嘉永初仕于

朝為兵庫寮史生為得窺秘冊矣
宜乎之識國體禮法過處士野偃

之後也是 都府嘗嘗許刊行十

三朝紀聞等以此於保建大記因

賜一題以曰慶弘乎君幼記誦如

流于師驚歎曰吾子記者天性之

何受句讀之勉宜依某字書而進

却多為矣時有中井蕉園門人西

浦德風攝之泉原人仁和寺王府

周身錄

其見妻歲反


古臣工詩文多藏書自文政末東
遊京洛君就學焉為所愛重及杜
遂為力修史云頃者公錫仍親續
國史畧之云唯精武事管朝典之
記二條 行幸事以武弁為親隨
搢紳為陪從乃裁意也宗何之能
且倒何足鑑前代公錫病之眩惑

後進固勸君志出今日鈔固辭力
勸遂出之第四五六也蓋君之修
史固紀古朝典左武括矣披之矣
乘親見直書之而傳聞闕略不阿
權門乃傳建白上疏類也唯更不
通者跡悉用原籍是以文質並存
不失其本矣史雖不啻為一時所

以長傳國體風俗常鑑邪正終始者因難得其人也

明治六年南至前一日

淳風坊酒井公錫謹識



香山慧持書

聖信

慶弘 紀聞 今日鈔卷之四

安田源照矩編輯

春日 鏡變

斬奸 旨趣

文久二年正月二日春日第四祠額鏡無故自落而破第四祠 天照皇太神十五日三島通植等十餘人擊老中對馬守安藤信正于幕府坂下門前傷之其黨或揮刀或發銃擊之信正在輿中每多從俠士自衛俠士力禦通植等奮進斫傷信正同豐原親忠細谷忠齊吉野政助淺田儀助相田千允内田萬助等死之通植等皆懷一紙題斬奸旨趣其略曰申年

明治六年

其見書成反

三月報國之徒斬大老并伊直弼也固非敵幕府包禍心矣直弼之執政蔑天朝夷義士是誠為國賊矣臣等誅之也心期幕府因之悔悟而尊天朝斥外舶顧國步安危人心向背矣然未悔悟而益行暴政也老中安藤信正為其罪魁信正嘗助直弼暴政喪直弼而後其奸謀詭計超過之將悉亡忠烈之士今赦之益惱帝慮盡失幕政使大樹公千載蒙汚名如懸鏡看之但因循姑息以經年天下為亂臣夷狄之有以故臣等相俱誅戮信正信正罪不舉數而證其一端則皇妹之嫁陽唱公武合體而威力奪之

陰謀控皇妹以要許市詔而聲言帝若不許互市奉遷遠島矣因命和學索廢帝古例將使大將軍陷大不義流逆名於萬世過北條足利二氏嘗聽外舶量本朝周海教之皇國形勢貸之要地殿山其與之密談每盡漏刺亦有請外舶志韋貌兒參與政事信正久秉政廢天朝倒幕府受外國封爵亡國朝神聖之道奉蠻夷邪蕪之教廢君臣父子大倫溺夷狄禽獸貪欲矣微臣殺戮此賊也欲上安天朝幕下下防萬民禍害伏祈革并伊安藤二奸遺政慰帝慮逐外舶本東照公遺誠救庶民困窮矣如不省

於此則天下大名皆背幕府各據其國必矣今或名討狄而舉兵者天下過半從之皇國風俗能辨君臣上下大義甚好忠烈直節之道幕府數違 勅旨則忠臣義士舉不與幕府而幕府為孤矣故革政否即幕府興廢也敢請九合諸大名却驕傲外船正君臣上下禮與天下同先生因而盡命斬奸告訴幕府當路是月薩摩近衛少將島津茂久密上書請勅幕府攘夷狄既而福岡亡臣平野國臣著培覆論以遺茂久重臣道隆等是更說 帝之親征天下以攘夷狄也○三月四日春日第三祠額鏡無故自落第三祠

國培論 覆臣

春日 再變

天兒屋根命 帝以其變異再至 勅神祇官陰陽寮土御門氏上勤文神祇官指東山吉田廟近古已來以此廟為假神祇官設八神殿陰陽寮亦指堂下幸德井氏十七日陰陽助兼曆博士賀茂保源上勤文曰春日廟神御鏡之落奉靈基經謹占之其卦值於節居貧事若無有門戶出入跼躅立錐無地迥然不群獨居於位外不相應內無所居貧弊艱辛跼躅而已居宅無所依憑故曰立錐無地此卦百事不利宜修福慎行以祈天永命敬白十九日從四位上侍從卜部良義上勤文曰正月二日春日廟第四祠簾

上勤 文

月給所判 卷之四 見書

頭所揭鏡花落破，今月四日同廟第三祠所揭鏡之落，臣於神祇官謹推卜其吉凶，並不吉也。但兩變可以為其氏之慎，欬敬白。同日陰陽頭兼天文博士安倍晴雄上勤文曰：正月元日春日廟第四祠神鏡落損，三月四日其第三祠神鏡落也。謹撰神筮遇天水訟不變卦，臣欽考其卦象上卦之乾為鏡為天下卦之坎為陷為降，是神鏡降落之象乎。易曰：天水違行，訟訟違忤也。爭辨也。蓋乾升坎降，天西行水東行，上剛健以制其下，下險剛以忤其上，皆背戾之象。故上下唯以警戒，但以不變卦考之，則不變者勿變動乎。

亡臣 群起 毛利 慶親 諫幕 府

右就卦象述之，而神明幽玄之兆不可度卜。筮吉凶之占，豈易斷願，奏神樂祈安穩，變災自消。敬勸如件，遣前大納言源有長權中納言藤原公績右兵衛督藤原基政，詣春日祠禳鏡，變奏神樂。二十五日大將軍使近衛中將掃部頭井伊直憲等朝奏親子內親王，督成賀之四位五萬石以上諸大名，亦使使奉賀之。幕府以督慶分金一萬五千兩于諸公家及堂下。○四月福岡鹿兒島岡久留米熊本佐賀秋月備中等諸藩亡臣群起，相俱由山陽東上。五日近衛中將大膳大夫毛利慶親見老中大和守久世廣周，強諫。

明倫彙編 家範典 卷四 其親戚

曰井伊安藤專政故鍋島氏請老是知弊政之難拯而圖土著以強其國也他諸大藩亦如之小官為德川家誠苦心為嚮尚和宮也卿等連署奏曰尚宮則大樹上洛而竟不朝矣是非欺京師乎是以天子逆鱗兆民不歸也敢請以越前守為大老一橋卿為輔佐而如川路佐々木以正議黜者及諸志士悉舉以復舊政矣廣周與同列共對曰貴言固是也然我力微不能為廣親怒曰諫不聽則奉天子協四方之他無復策矣事吾已與薩州約十日勅堂上堂下曰國威日逡巡夷狄月猖獗矣深憂之數傳旨於

幕府幕府對曰十年之內或辭謝或征討以必絕矣故今不復催乃至絕期必有攘夷後而非國內一心而陸備充實水軍練熟難遂大事故從幕府請降嫁和宮以開宇內一和之基示公武合體之實而遲海內協和國威張皇為遐迹其體此意建議上略是日所司代酒井忠義呈書傳奏藤原光成藤原俊克略曰頃者道路風聞西國諸亡命大集兵庫大坂等唱不容易義矣公家與諸藩士等通也素有規則若漫規則踏戊午八月八日覆轍必有意外事微官為公家深懼之嚮特降嫁以和公武矣今苟作異論是隔

月... 其... 金...

魯艦
入寇

公武也敢請勿卒示與之謀矣諸亡命雖唱暴戾之
說天下人民豈敢 天朝進干戈若有反黨動干戈
於王城地微官竭若狹國力指揮諸藩護京兵誅之
敢請勿卒示十二日魯西亞兵艦寇對馬淺海浦十
三日對馬守宗義達上書幕府曰頃者魯西亞艦託
修船泊淺海浦聲言夏間泊焉其意在開港而動橫
行雖然以曾有教令故穩順偶之渠乃侮我以為不
能起兵昨日其衆乘子舟進破瀬戶關柵捕戍士二
人而上舟一卒追擊亦銃殺之歸本船嚮日幕下與
魯國通信故令家臣忍耻抑兵今自彼破事舉藩憤

島津
和泉
入京

起騷動下官不討賊莫之制且為 本朝瑕瑾矣乃
兵食不足應援無來事勢不待教而戰爭仰願速賜
輝國威指揮既而對府盡銃擊却之追北十數里而
旋十四日薩摩藩宰島津久光以士卒千餘人入京
師錦小路邸十六日詣權大納言近衛藤原忠房第
請議奏權大納言藤原忠能權大納言藤原實愛訴
諸藩亡臣蜂起等事因上書曰僕之東上宣言詣江
戶謝延會其實願公武合從而興 皇威革暴政矣
戊午以來幕吏違 朝命許互市恣禁錮正議之親
王三公一橋尾張水戶越前土佐宇和島等斬竄正

月... 見...

齊彬
遺命
久光

士俊民是以諸藩志士自亡命倡尊攘結黨於四方
或刺大老或戮外船遂欲起義兵如斯及失勤王正
路陷外船術中僕之宗子蒙德川氏大恩三百年于
茲先考齊彬臨終命僕等曰為天朝幕府繼我志
盡精力矣僕乃傍觀國難無遁不忠不孝之罪因與
修理大夫議詣江戶切諫三月十六日發本藩此月
六日至姬路遇亡命群起要僕求事不得進而十日
初至大坂諸亡命亦繼至於是僕喻曰汝輩誠志勤
王吾為上京以聞須踈其報命下伏請奏之賜安天
下之制置實愛一覽曰咨諸幕府而後議為久光怒

曰事皆賴江戶故國危至此矣因復上疏九日弁平
野國臣建言其疏曰命老中大和守上京可乎曰免
栗田宮鷹司大閤近衛左府公鷹司右府公之幽可
乎曰令幕府免一橋刑部卿尾張大納言越前中將
土佐隱居守和島隱居之幽可乎曰退九條公及所
司代可乎但諸亡命大集浪華不報此等處置則變
起自彼反不得人心一和之所曰幕府不停安藤對
馬守世因亂乎曰一橋卿為幕府後見越前中將為
大老可乎任是等人心因一和乎曰不宜此諸件
則朝威不立良吏不用曰越前中將辟大老宜召

而立 朝廷憲法以辨邪正明罪否曰公武合體上
下同心而後公論異船事以定萬世可貫之制成
皇威可輝之績僕奏聞也雖不免僭踰罪鈇鉞罰而
窺近來國步則綱紀日廢士氣寢衰將受異邦正朔
失 聖躬在所是以忘其卑陋願佐 聖慮云土佐
隱居謂侍從山内豐信宇和島隱居謂侍從伊達宗
城也後見監督俗語也久光一作久道少將修理大
夫茂久生父也十七日 帝令忠房報久光曰亡命
蜂起汝能壓之可謂勤矣而其黨如起難於輦下則
憂加焉汝須留京師遙鎮撫之又汝所忠告諸日奏

御前議久光上言

也深感焉當有賜答矣遂會諸公卿于 御前議召
老中久世廣周焉西海等亡命已會集大坂而武藏
出羽京師諸亡命亦來黨皆激厲遲久光之報數十
人至伏見將入京師二十五日久光使路部者往諭
還不聽路部斫殺同僚黨之者七八人以止之被創
自殺晦前左大臣尚忠辭關白藤氏長者隨身兵仗
是夜 詔入道准后前關白政通入道前左大臣忠
熙入道前右大臣輔熙復朝參獅子王院尊融再為
栗田青蓮院門跡○五月朔 詔近衛少將長門守
毛利定廣曰昔汝祖元就之勤 朝廷也朝廷固憶

長藩入京

明治維新 慶應義塾 卷四 七 其系林

其緣由矣頃者汝父慶親亦志勤王說幕府以立治
本將成朝家所慮而使永井雅樂西上奏之朝
廷甚感焉昨聞汝過京師朝廷乃欲使汝從乃父
志而周旋汝其姑留京師克計焉四日幕府赦尾張
權大納言德川慶勝一橋近衛中將德川慶喜越前
近衛中將松平慶永前土佐守山内豐信復牙參以
近衛中將肥後守松平容保為後見先是安藤信正
辭老中至是聽之九日始置政事然裁以松平慶永
為之中務大輔脇坂安宅再為老中兼外國掛慶勝
即慶恕被幽改之十一日勅權中納言藤原實則

大原重德

權中納言藤原季知左近衛中將藤原實美參議源
有容等檢係外事諸奏書會諸公卿議認賜幕府詔
書將遣使江戶傳之毛利慶親已入在河原街邸於
是奏固請罷其遣使弗聽十五日幕府命老中久世
廣周朝京師二十一日禁安藤信正出邸二十二日
遣左衛門督源重德奉詔書適江戶令島津久光
及秋宰等從焉其略曰朕惟方今夷戎益猖獗幕
吏失措置天下騷然萬民將墜塗炭朕深憂之仰
耻祖宗俯愧蒼生而幕府奏曰近來國民不協是
以不能舉膺懲之師矣而降嫁皇妹於大樹則公武

明倫彙編 家範典 卷之四 其見妻上或反

一和天下勦力掃攘夷戎矣故許其所請已而幕吏連署奏曰十年內必攘夷戎朕甚喜之祈神以待其成功昨臘和宮入幕府也使千種少將岩倉少將諭大赦天下且告國政仍舊概委幕府而至外夷事大係國體故咸問之朕而後議定之或使二三大藩預聞夷戎處置矣幕吏對曰宸意事重大矣難遽奉行請暫猶豫焉既而列藩有獻謀議者如薩長二藩親來奏事且西海山陽南海志士蜂起密奏曰幕府奸徒加多正議委地蔑王家睦夷戎故物貨濫出國用乏耗矣可知不日殆受夷戎管轄也冀

舉旌旗奉鸞輿於函嶺誅府之奸吏或曰為除太平之游惰浸潤之弊誅京師奸徒或曰不顧幕府而下攘夷令於五畿七道諸藩矣如其諸議雖畢出於忠誠憂國之至而事甚激烈故使薩長徒諭鎮之因召老吏久世大和守而未唯而始行昨臘所命大赦矣幕吏因循偷安失撫馭術如斯則國家傾覆可立至矣朕日憂懼焉所謂偷一日之安忘百年之患聖賢遺訓可鑑也要須內修文德外備武衛克建攘夷之功矣朕欲使德川氏興先祖功業張天下綱紀因策三事曰大樹率諸大名上洛公議治國家

其見妻女或反

攘夷戎上慰 祖神震怒下從義臣渴望啓萬民和
育之基比天下於泰山之安曰依豐太閣故事沿海
五大藩為五大老使之咨國政決防禦所置則環海
武備堅固必有掃攘夷戎之功曰一擣刑部卿相大
樹越前中將任大老以為幕府內外之政則當不受
左袒之辱是萬人所望恐不違焉 朕意決此三事
故下使宣之幕府其選三策之一行之聞奏謹言二
十三日三笠山鳴三次二十五日幕府罷紀伊守內
藤信親老中召所司代酒井忠義信親後改信思二
十九日罷出羽守水野忠良老中上野介大久保某

三笠山鳴

小性初久世廣周之命西上會病辭老中至是免之
○六月朔老中脇坂安宅傳教於諸幕臣曰昇平三
百年綱紀弛武備廢近年外國事務頻加天下物情
漸動終至腦 睿慮焉君公深恐之蓋公家武家之
間素無有隔意故君公欲速上洛直奏事通徹實誠
一變弊風振飾武備使 皇國為世界第一強域以
上安 天朝下保萬民諸士其體認此意苟有見於
革政之道不忌諱上忠告矣先是幕府以雅樂頭酒
井忠績為京都取締九日入京師幕府獻納金六萬
兩加久我正親三條中山橋本久世岩倉千種野宮

明治新刊 叢書 卷四 十一 其親書藏版

今城富小路十氏俸各二百石皆預降嫁事故於是
權大納言源建通答幕府曰加家祿也下官以為忝
矣而奉勅預嫁事是猶職分故敢辭之若周加諸家
則辱受焉因之正親三條氏已下亦辭不受云虎狼
痢復行二十三日以前左大臣藤原忠熙為關白○
七月朔幕府賜京師民年八十以上者錢各三千文
以伯耆守本莊宗秀為所司代島津久光上書幕府
曰丑年亞墨利加航來諸舶繼來請望數事然而幕
府不伺 叡慮而與之約事公武之間因而隔天下
人心亦不穩我藩蒙幕府鴻恩已三百年且為屬

安老
者

故不可傍觀焉亡兄薩摩守平素志為公武盡忠不
果臨終遺命僕以其事爾來僕日夕苦慮忘寢食去
春以來天下之變不一矣不改其故輒則危急不測
矣僕非家督故雖僭越而察近日政事則尊 天朝
之道廢而邪正之別反魂魄愁聲滿原野至外政則
不免因循苟且四字去臘使家臣詣久世氏建言然
不聽乃欲躬詣府上言與修理大夫議之三月發國
途會亡命蜂起喻之止大坂邸四月詣近衛氏告之
遂有 內勅鎮撫亡命仍留京師既 朝廷特遣使
幕府亦命僕為之周旋五月發京師前月入府下而

明宗親中央慶元元年金和

僕不速上言者懼先奉 詔則無 天使故也竊聞

幕議將奉 詔僕不堪感憚之至而其持論也祈俾

天下屬望之人當要路之職盡一和之真實密諸吏

之黜陟革壓服之舊弊建制舶之良法復寬永已前

政事立公武合體基本伏請用焉近衛之上書謂先

流星無數

考此上書謂亡兄蓋齊彬為其義父也耳十五日夜

星流西南無數都下大異之薩摩藩起新邸于相國

寺前明年又大開邸地于岡崎二十日夜有三士入

島田大尉被害

左兵衛權大尉橋正辰宅斫殺之梟首于四條磧立

榜略曰島田左兵衛大尉與逆賊長野主膳同謀不

謂之及因誅之正辰九條家臣有功於降嫁尚忠在

職時幕府請以正辰為公武取締加之俸掌公家武

家奏事威稍加上下主膳名義言彥根藩臣聞正辰

見戮自京走歸被囚云此月之朔幕府以新式數條

對 天使重德重德欲對條稱旨而後還咨之關白

忠熙忠熙乃使其臣式部權少輔藤原長義東下取

對條二十七日長義發京師是昏彗星見西北光芒

三尺先是幕府召京師町奉行屬吏加納繁三郎大

河原十藏至是所司代忠義臣三浦七懼連坐之自

殺或云三士尤力降嫁事二十八日 勅黜右衛門

彗星見

其親親親親

明治新史 卷之四 十一 其系於清

内侍堀川氏少將局今城氏並曾德憑降嫁故頃者

闕下有聲言諸藩志士俱請遠堀川今城二女弗

聽為主上聞入執之因而朝議黜之酒井忠義之

召乃奏東歸帝不許至是許發京師二十九日贈

故内大臣藤原實萬右大臣帝謂其忠特追之○

八月二日 勅毛利定廣就江戶傳 旨略曰戊午

以來公武幽黜稍赦之而至堂下等未有赦宜速釋

之往年長岡黨遭害安島鶴飼以下見斬櫻田東禪

坂下伏見盡命等諸死國事宜迎其精魂禮葬之令

子孫祭焉餘黨現存宜皆復舊業而無存亡錄其姓

名速奏之又傳 旨曰感故中納言源齊昭忠節因

贈之大納言幕府其命中納言慶篤繼先志為皇

國形丹誠云三日幕府賜京洛及近村民年八十以

上與鰥寡孤獨錢八十以上各三千錢德川慶喜松

平慶永脇坂安宅松平信義水野忠精板倉勝靜共

呈書傳奏司曰嚮日關東有失政因今降 詔幕府

謹奉之慶喜以下皆盡心勵精計畫一公武安萬民

以終 慮慮矣而未奏行政者以事非容易百思千

慮也又 勅慶永上京亦請方今計畫間少延焉前

日大愾 宸襟也又世廣周安藤信正失執之所為

執志七祀

幕府再服老者及窮

用... 規... 載... 版

授近衛少將幕府之制不許諸大名私入京師然自
 嚮毛利氏入洛其制自廢至是諸藩多欲朝京師或
 索館所或廣舊邸乃肥後藩假南禪寺加賀藩假建
 仁寺阿波藩假佛光寺長門藩假東福寺蓋舊邸皆
 陝小故館大寺十九日 勅諸公卿上書奏外舶處
 置二十日夜有士數人與本間精一郎鬪殺之明日
 梟其首于四條磧立榜曰本間精一郎以虛喝惑衆
 人讒訴薩長土三藩于高門離間志士謀反貪賂焉
 于茲免則起不測禍害故誅也精一江戶游士通史
 書能擊劔云二十一日幕府奏改諸大名會衛江戶

同改幕府
制會

之式曰水戶藩今歲會衛江戶尾張藩次歲會衛紀
 伊藩子歲會衛大廣室直諸藩與謁番菊室直等諸
 藩三歲一會而衛營百日此內福岡佐賀對馬三藩
 衛營三十日溜室直外樣譜第諸藩三歲一會而衛
 營周年因縱諸藩妻子悉還本國諸旗本亦歸本邑
 黑田鍋島兩氏自昔每半歲更守長崎宗氏亦屏邊
 土故並多土着蓋改會同制者使諸藩多著本土以
 嚴備外寇而幕府已衰弱故改制不正行由是大藩
 益不會云外樣譜第並大名品称是夜有數士八九
 條氏沙川別第斫殺玄蕃頭橘重國梟首于五條磧

幕府
山陵

重國九條家宰為人淳直而以與正辰並肩故見殺時人冤之二十三日近衛少將島津久光奉御劔還薩摩關白忠熙餞之以直垂鞍馬二十五日藏人局曹式部少丞菅原為恭出奔二十九日詔褫醫師肥後守賀茂保純菅原為恭官位既而保純亦出奔○九月幕府奏修諸山陵命宇都宮越前守戶田忠恕掌其事七日老中周防守板倉勝靜和泉守水野忠精豐前守松平信義連署奏大將軍以明年二月上洛十五日勅開馬場于凝花洞宮趾建御覽所十九日帝召肥後藩細川慶順因幡藩池田慶

與力
同心
被害

德阿波藩蜂須賀齊裕或云島津久光奏還之次請召此三藩議外舶制置故有此命二十三日夜有十餘士斫殺大河原十藏渡邊金三郎森孫六于石部驛梟其首于粟田口上田助丞亦為之斫遁而自殺助丞金三孫六亦町奉行屬吏向十藏召其後歸至是幕府再召十藏及助丞等發京遭害梟前有榜略曰此儕戊午歲以來黨長野主膳島田左兵而與加納繁三郎上田助丞等共悉斥憂國之人羅織無名之罪其甚處之死流仍加天誅也二十五日聽入道前關白藤原圓真退居東九條村圓真即尚忠辭職

薩藩 獻米

師守衛欲常置親兵令諸藩上強幹有氣節徒并其
武器糧食以充之事為急務幕府其速教諸藩應其
石秩貢獻之京都守護近衛中將松平容保入京師
館智恩寺尋移黑谷光明寺士卒皆次岡崎村近衛
少將修理大夫島津茂久獻米一萬斛上書曰貢年
年奉預租米 帝嘉之以分納 大廟諸大祠泉涌
寺分賜諸公家堂下近衛中將大膳大夫毛利慶親
獻黃金許多久留米安藝因幡筑前守和島等諸藩
相續入京師○十一月初幕府奏直憲收封至是削
其十萬石又奏削對馬守安藤信正下總守間部詮

勝紀伊守內藤信忠封各一萬石長門守小笠原長
國封二萬石藥師寺筑前守封七百石錮信正備中
守堀田正睦左京大夫酒井忠義大和守久世廣周
直憲筑前並抵父遺罪長國禡後筑前原三百苞近
來食千石云四日遺權大納言藤原實德奉幣于春
日祠十日 勅左近衛中將和泉守藤堂高猷再造
齋宮尋以世益騷動事竟寢 勅修理大夫中川久
昭成山崎十五日有所殺一士于日岡梟首于粟田
口立榜曰此多田太刀佩與島田左兵衛加納繁三
郎永野主膳陰謀戊午歲開志士所通牒封予之渡

邊金三郎由是事敗至憂國黨拂地其罪不可宥因
加天誅也○十二月 勅免彦根若狹郡山諸藩九
門守衛尋 勅會津薩摩長門土佐仙臺因幡備前
肥後安藝阿波米澤安濃津久留米等諸藩代守之
五日大將軍呈書 天使實美公知曰謹奉 詔拜
策略之任乃盡衆議及上京曲奏對爲阿波藩起新
邸于聖護院南尋安藝藩開邸地于其東肥後藩起
新邸于壬生村佐賀藩起于西陣筑前因幡備前藩
開邸地于堀川筑前又開于舟岡因幡又開于椿寺
西長門土佐久留米仙臺安濃津等藩廣其舊邸十

二日大將軍再呈書實美公知曰 詔云布攘命於
天下設親兵於京師臣奉承之然臣家茂服征夷重
任兼任右近衛大將則親兵守衛即臣之職掌故臣
雖不肖嚴備其守衛矣然而 主上猶懷不足則徵
之於諸藩矣而至攘夷固要 皇國全地兵衛矣故
令列藩養國力而譬如守九州者誰誰守奧州者誰
誰以專藩任矣仰願聽此言臣明春上京具奏聞警
衛方略是日或乘風縱火燒殿山外客館十三日
勅堂上堂下官人曰幕府遵奉 勅條則決攘夷然
諸大名策略亦 朝廷徵之參考而後有所處置矣

月治新史 慶弘紀 卷之四 終
今實 皇國安危之秋故殊勸善懲惡且盡衆議命
有志輩知事諸臣其為報國有所願詣知事建言改
政主意在直邪曲正名分若為己進退人及有違制
則必誚責十六日京師雷電二十三日 天使藤原
實美藤原公知及山内豐範池田慶德淺野茂長歸
自江戸是夜有士入江戸三番町塙次郎宅斫殺之
明日梟首于日本橋榜曰此人去年服逆賊安藤對
馬守而與前田鎌助共搜索不謂舊記掌辨國體而
為大逆之至因行天誅也次郎幕府和學保己一子
孫以信正命錄奉遷於遠島之例云毛利定廣歸自

江戸

慶弘紀 卷之四 終

月台新刊

慶弘紀 卷之四 終

七

其見妻歲反

慶元元年今日鈔卷之五

安田源照矩編輯

文久三年正月二日

帝延見京都守護松平容保

所司代牧野忠恭等容保賜袍一領 勅傳奏藤原

光成藤原俊克受在京大名賀正于學習院三日

帝延見中將池田慶德少將毛利定廣侍從山内豐

範侍從伊達宗城淡路守毛利廣篤各賜御襯一領

命曰以此為戰袍自去歲每諸藩入京皆延見賜

以御盃今特賜慶德等以御衣御盃俗曰天盃古來

月治親史 慶元元年 其親本亦

阿波 守 獻 良馬

武門惟幕使賜之近日則周賜亦為殊恩矣幕府令
 曰今春上洛也傷士庶之因而若故自大坂至京都
 沿道邸館勿修補民舍亦如平常且在二條大坂之
 日勿罷市五日幕府後見德川慶喜自江戸入京師
 館東本願寺八日近衛中將蜂須賀齊裕獻御馬十
 頭內有銜高綱宇治河先濟所用名嚙猿聲者但德
 島氏累世所秘云 帝甚嘉觀之于東庭 命養于
 其邸未有御厩故是日前尾張藩入京師十日 帝
 延見權中納言德川慶喜賜御盃并物老中圖書頭
 小笠原長行入京師十五日福井藩入京師十七日

延見近衛中將毛利慶親左京亮毛利元周特進慶
 親任參議賜以御劔先是慶親與慶德豐範共奏請
 曰一橋卿已入越前藩亦將入京師護衛自備請一
 歸見藩事於是許之尋有轟武等事而小笠原長行
 召還慶德半途而反二十二日大坂難波橋有梟首
 榜曰此池內大學嘗蒙恩於高貴門戊午歲與正議
 士為之周旋既反通姦吏多害諸藩志士因誅之也
 前左大臣忠熙辭關白再四許之二十三日以前右
 大臣藤原輔熙為關白二十五日尾張藩前土佐藩
 入京師是日有武夫詣正親三條中山二家呈池內

時職及書數日藤原實愛藤原忠能並辭議奏職時

即大學名 帝聞肥前大名丹後守大村純熙厚志

報國令其京邸留守井上兵衛傳 特詔二十八日

夜有士入千種家臣賀川肇宅斫殺之遺書曰云云

二十九日武夫數人詣千種岩倉二家呈肇腕及書

初宇都宮藩掌修 陵事也其宰間瀨和三郎入京

奉 勅往檢大和河内等諸陵至是 帝特授之大

和守尋谷森種松亦授大和介與俱檢考○二月幕

府奏鑄銅大錢文曰文久永寶背面作波圖以一當

四又鑄新鐵錢文曰寬永通寶幕府賜京民年八十

錢久大 鑄文

以上者錢又賑賞鰥寡孤獨忠節孝順濟人者二日

詔青蓮院法親王尊融還俗賜第名曰中川殿尋

任彈正尹更名朝彦是夜有置肇首于德川慶喜東

本願寺館庭附書略曰獻以為攘夷血祭四日政事

總裁近衛中將松平慶永入京師居其二條邸六日

武夫斫殺唐橋村長某懸其首于山内氏邸後門附

書略曰今者有 攘詔而大樹公上洛也須洗太平

游惰之弊耀 皇國武威于八蠻其機不可失矣老

公所置者實係 神州安危請速決攘期一朝而滅

久惱 宸襟醜夷矣是天下所願因供一輕賊首以

服老 著面 窮賞 忠業

月台行刊 其親妻載板

為血祭矣老公指前土佐守豐信守護松平容保令
 都下曰決攘夷教改革之時不無一新舊弊協和人
 心然而近來輦轂之下多私殺害人者是言路壅蔽
 有司不省之所致也可恐矣自今或欲貫達上下意
 情或有關係 皇國利害內外大小之善惡而掩蔽
 之須毫無所憚速訟之或封書以告我焉薩摩蒸氣
 船東上至明石觸暗礁而沒幕府奏請二事曰宸
 襟近來為蠻夷所痛因復春秋行幸之典以奉慰焉
 曰皇族為法師自今罷之十日傳奏權大納言俊克
 等奉 旨召德川慶喜報曰罷皇族為浮屠 上以

慶法親王

為當然事宜行之春秋游幸 上欲至攘事成功人
 民安堵且 命之是日肥後藩臣轟武長門藩臣久
 坂玄瑞寺島忠三郎俱詣關白鷹司氏第上書曰卑
 賤身誠恐告不容易事件然時勢切迫難堪默坐故
 不顧萬死上書嚮 天使莅關東命攘夷奉承之然
 未有奏其期限是以天下人心騷動或將變作大樹
 公萬一遷延上洛也僕共伏請速遣後見總裁命攘
 夷期限矣欲攘夫無前大冠輝 皇威于海外也
 宸斷以非常已志親征矣雖然如向 在深宮隔絕
 君臣之間則恐不有遂事矣故僕共伏請洞開言

月令新刊 慶應義塾 卷五 其新撰神本

路除壅蔽，惠召近習及諸堂上，每侍御前，使盡其胸臆，因而減知外事員數，精選其人材。日聞列藩情實，國家大計矣。近日諸大名，參內也，皆特賜天杯，然則宜開非常格。親聞之，赤心矣。一日之安，千歲之禍，伏祈速立攘夷大舉之基本，誠恐誠惶，頓首敬白。三士昇第，不退二日，賜食曰：有誓心，斷食。關白輔瀨入奏，帝嘉納之。十二日，帝命權中納言藤原季知參議，藤原定功參議，藤原公誠左中將，藤原實在左少將，藤原公董右少將，藤原公知大藏卿，藤原隨資侍從，藤原實梁就德川慶喜，東本願寺館求。

上書
不退
二日

開言
路

攘夷期日，十二日，勅諸廷臣武人曰：攘夷之期定，則闔國人民應須勦力報國矣。近來誠忠諸輩為國家周旋也。朕感之不淺，今更懼忠告至論，淪沒特洞開言路，因雖草莽微賤，宜韜忠言，詣學習院。因知事上之，十五日，德川慶喜、松平慶永、松平容保、山内豐信共呈書，藤原季知、實梁等八卿告攘期略曰：大樹公在洛十日為限，而二月發船，無風波則四月中旬為攘夷之期，請歸府之後，緩二十日。十七日，帝悉召公卿大夫議攘夷事。十八日，悉召在京大名議攘夷事。一橋會津、名護屋、津山、福井、松江、細川、黑田。

置參政復寄人省知外事

淺野毛利鍋島池田蜂須賀山内佐竹上杉宇和島
中川深溝等二十二族朝焉 詔始置參政以參議
右近衛中將藤原實麗大藏卿藤原隨資左近衛少
將源通禧右近衛少將藤原公知為之復置寄人以
權大納言藤原實德左近衛中將藤原實在右近衛
中將藤原基敬左近衛少將藤原公董修理權大夫
藤原基修侍從藤原忠光侍從藤原隆訶右馬頭丹
波賴德主水正備前權少清原宣嘉為之改知外事
官員以權中納言藤原季知權中納言源重胤權中
納言藤原實則參議左近衛中將源有容右近衛少

鳥偶首

將藤原公述右衛門督檢非違使別當藤原光愛權
右中辨檢非違使藤原博房侍從藤原實梁中務少
輔藤原資生補之京城内外武人盈滿時有犯婦女
試斬人於是守護及町奉行吏卒每夜揮白刃持機
燈巡行二十二日遣權中納言實則權右中辨右衛
門權佐博房詣 神武帝畝傍山陵奉幣告修山陵
北山等持院自古安足利尊氏以降十三世等身木
像有士夜入奪尊氏義詮義滿三偶首及其神主二
十三日連梟之于三條磧榜曰應正名分之今日吟
味鎌倉以來逆臣此三賊為其巨魁因先加天誅於

其兇像也。又榜于三條橋側，誹謗江戶氏。加賀藩入京師館，建仁寺、願寺境三十餘町，市民米二百五十斛。二十四日，帝御于東庭遙拜。神武天皇儀准四方拜。二十五日夜，松平容保發士卒，擒松山鳥取七命、江戶常陸下總不逞等十人于市舍中，梟偶首立。謗榜皆此黨所為，云去歲嶋津久光之從。天使自江戶還也。於生麥暇久光，臣某等大怒。英咭利官人無禮，斫殺其二人。此月十九日，英咭利軍艦數艘至加奈川，訴曰：嶋津二郎殺英國官士，英國欲捕三郎及其族，列之而今者。日本政府威勢衰薄，故難處置之。且出金三十萬兩償之，受償而後。至薩州鹿兒嶋，取養逢害者妻子金一萬八千兩。若拒之，則及戰爭矣。請日本政府使重吏一人為檢使，乘英國軍艦。自今日至明日，凡二十四時間，賜貴荅。但猶豫限三月九日，踰之即遣軍艦於大坂長崎箱館及諸港，奪出入之船，且燒江戶矣。日本其忽英國旗章，并約條故不得已而及之。三郎即久光初稱和泉，後稱之故。英書云：爾江戶戒嚴，命安房守間部詮實守殿山下式部少輔津輕朝澄左京大夫岩城某守調鍊所山城守松平信庸關宿久世鎌吉守濱第磐城平安藤

英船
求贖

其見妻藏反

隣助守羽田遠江守山内豊福廣嶋淺野為五郎守
大森二十六日夜幕府奏英咭喇事教中將掃部頭
井伊直憲曰異國軍艦待荅然事非可聽矣議決于
戰矣汝速發兵守橫濱川崎之路盡力防禦二十七
日 帝召德川慶喜德川慶勝松平慶永與諸公卿
議英咭喇事是日松平容保上書曰定攘期也當計
干戈事然非 神州一和一團以分部管轄難建其
功矣臣故欲為在京諸游士置之長立部伍以充攘
軍先鋒使之遂尊王攘夷之素懷臣亦指揮之得力
請許之尋設館于壬生油小路等數所養之號為新

改定途上
偶禮

選部 勅改定途逢禮頒之曰關白大臣親王輿行
納言不下輿參議以下下輿而揖曰攝家納言已下
時公卿逢之不禮殿上人下輿而揖其殿上人時逢
公卿徒行下輿而揖殿上人不禮曰諸家公卿互禮
如故逢殿上人不禮其殿上人時逢公卿徒行下輿
而揖曰六位藏人如舊禮曰攝族門跡僧正時逢公
卿殿上人不禮其僧都時逢公卿徒行下輿而揖殿
上人下禮曰本願寺已下僧正逢公卿輿行不禮逢
徒行下輿而揖殿上人不禮其僧都逢公卿殿上人
徒行下輿而揖曰德川家從時官位而禮曰大名高

家與堂上同格互禮但堂上逢大名服半襖不下乘
日非藏人堂下旗本公武家臣逢堂上大名下輿馬
但堂上服短襖不下又堂下奉使之行非此限○三
月二日 勅加賀藩前田齊泰還國備京師軍糧守
北陸海岸長門藩毛利慶親設備對馬援兵軍糧因
罷其武庫戌津山藩松平慶倫津和野藩龜井茲監
岡藩中川久昭代戌武庫福井茂昭毛利元周細川
護久等二十許藩亦或奉 勅或奏請還國守海岸
尋山內豐信亦還土佐使弟兵助代衛京師或云尾
張藩德川茂德亦奉 勅往戌二見浦同安濃津藩

英祈攘

護 大廟是日仙臺藩入京師四日遣知外事權中

洛軍大將上

納言藤原光愛右近衛少將藤原實梁奉幣于大
廟祈攘英咭喇征夷大將軍自江戸入京師居二條
城 天使光愛等以大將軍罷浮海而從海道七故

朝軍大將入

向大和路而大將軍早入京故俄而由近江路如例
云祈 大廟數旬更遣知外事參議源有容右近衛
少將藤原公述代之五日 勅因幡藩池田慶德權
督攝津諸戌兼守隱岐水戶藩入京師七日大將軍
入朝獻御釵一口鞍馬一頭黃金百枚白金千枚蘭
絹五十卷綿千屯屏風一雙掩障一雙唐名畫雙幅

青磁香爐書案匣硯等獻儲君親王名刀雲生一口
 馬直銀五百枚黃金二十枚和錦五十卷綿五百屯
 名畫一幅書架花瓶進准后黃金白金綸子綿等贈
 遺宗室攝家堂上法王宮女堂下中使白金縮絹等
 內親王親子天璋院敬子亦獻白金緞子紗綾獻親
 王白金緞子綸子是日留府老中河內守井上正直
 傳教江戶諸奉行曰英國軍艦所請條非容易矣故
 對以還營之後裁答雖然應對不協不得不急起兵
 若至此須決死防戰勿失報國八日詔延曆寺禱
 攘英咭喇七日其略曰英夷軍艦請求欲寇仰祈佛

幕府
 領白
 民金

陀冥助皇國奮起勇威和齊國內遠攘醜夷永絕
 覬覦而成寶祚延長武運悠久九日大將軍在二條
 城召見市人長茶屋後藤等頒賜諸市人白金五千
 貫錢時洛中民房四萬七千六百七十戶皆賜洛東
 市人不賜岡山藩入京師十日以近衛少將修理大
 夫源茂久為參議帝賞久光勒王事因特進之是
 日前大納言德川慶勝上疏曰恭惟兵者以和為要
 矣夫膺懲之事非君臣一和不可行君臣一和則人
 知歸向知歸向則普天率土無不一和然後始可行
 攘夷抑大樹在京師僅十日而東也其百里之遠別

必生間隙如生之天下之勢至不可救乎是臣所不安寢食也仰願命大樹及一和相整四海歸一而後東歸臣計夫攘事宜遣人行之昔壽永之役賴朝在鎌倉遣範賴義經滅平氏是乃將軍不親征也云

鴨帝謁廟

十一日帝謁賀茂下上兩廟祈英咭喇却去關白

輔熙右大臣齊敬權大納言忠禮以下縉紳二十名堂下若干與大將軍家茂權中納言慶喜及權中納言慶篤以下大名十八名旗士若干皆騎從焉先是鳴津茂久臣本田彌獻策十件曰復築大坂外城引淀河于城內其規模倍豐臣時而四面起煩臺諸門

設大銃數千曰徵近江美濃丹波等不沿海國兵守大坂曰尼崎岸和田兩城為大坂羽翼因倣坂城制開周池起煩臺集攝州兵于尼崎泉州兵于岸和田曰和田岬築八稜城亦徵不沿海國兵守焉曰自安治川黃津川至山崎八幡峽連起煩臺曰令武庫界浦市人提其孥速徙京都曰紀州阿州淡州遣堂上各一人巡視其藩備作之圖以奏聞曰沿海諸國建據其土以戰守之策勿勞奔命曰武庫界浦及其他易碇泊之港置軍艦曰大將軍歸府則神州腹心之京都空虛矣其備否為神州存亡之機故志士皆祈

朝廷為之一議假令尾紀水三家留衛京都其號
 令必不如大將軍行之伏請顧焉十四日近衛少將
 嶋津久光入京師居三日上書還國其略曰臣奉
 內旨上京嘗盡策獻公武重職然未見所用之色臣
 恐不用而久在京師則開讒口且有攘夷命也本國
 三面沿海雖寸地為醜虜所奪即貶皇國威矣故
 為防戰明日發京師事遽或被疑伏願察無他腸又
 呈書所司代牧野忠恭曰奉攘夷嚴命若夷舶入領
 內不及應接而誅之或應變遣軍艦于彼征之因而
 豫告焉或云源重德使於江戶也有欲忠而少私焉

是春發覺禊官久光懼連坐之故速還勅幕府開

開高瀨西川

一川于洛西達于鳥羽呼西高瀨有河村者上請幕
 府委任此役帝聞而賜之黃金二百枚單曰金者
 稱小銀等曰黃金者指大銀大銀享保間一枚直小
 銀七兩八銖是猶慶長古直其後漸貴文政間直小
 銀二十餘兩今者一枚直小銀八十餘兩幕府奉
 勅令天下益開京師水陸運路初大將軍以在都將
 十日告東歸有內旨止之於是又奏歸江戶伐英
 咭喇十七日詔大將軍召英咭喇于大坂宣距絕
 之教不奉則將軍出伐之因又有內旨朕親祈

石清水廟神前授節刀矣。紀伊藩入京師十八日幕府教十萬石以上諸大名貢忠勇士常衛。禁闕萬石一人期年交代武夫數人擒僧二人至三條磧斬其首榜略曰正惇光惇二僧黨奸賊謀錮義士又與某山衆同咒忌諱是神人所不容因而我等代天加誅也餘黨不悛戮如此僧十九日大將軍入朝見帝禮畢。帝命延之便殿親語事賜饗於是大將軍請曰歸府討英咭喇發京以二十一日弗聽二十一日遣權中納言藤原實順等奉幣于神武帝陵。神功皇后狹城陵祈請。神國威德輝遐荒夷戎拉滅。

總裁
慶永
不告
而還

如弘安天下平安。寶位無動是日近衛中將松平慶永不告還越前初。帝謁賀茂。鳳輦之出由南殿慶永與慶喜同從大將軍。蒞之于月華門廊十數刻。輦未出慶永不能耐而志將出歸其邸慶喜惶懼力喻止之強從。駕居數日辭總裁不聽至是自損其邸門示不復入而歸二十四日。勅水戶權中納言慶篤代大將軍往守江戶悉攘外艦因曰卿家世厚志王事須繼先志舉藩盡力掃攘奏成功矣又命其家宰大場一直曰嘗聞汝有節義之志須輔慶篤為國家盡忠矣。帝怒松平慶永專恣二十五日

勅停其政事總裁錮之本藩二十六日參議鳴津
 茂久使鳴津將監等詣二條城上書曰傳英國所請
 難條茂久謹讀之蓋去秋於生麥畷鳴津三郎不忍
 英人無禮殺害之故曰刎三郎及其族否則出贖金
 巨萬幕府不處之則起甲兵因而三郎曰幕府以授
 我首安堵我速抵江戶與英人會戰授之事為國
 家重大矣請高議急處之二十七日 勅德川余四
 丸曰自先年屢降 攘詔矣幕府奉之而未建其功
 廷府之間有隔意則業基難立矣汝其周旋於和
 人心建攘功事又命其傳武田正生曰汝勵精扶助

賑老窮

忠光出奔

余四丸貫徹 勅之之事余四丸慶篤弟館京師本
 國寺正生號耕雲齋有賢才博學好孫吳二十八日
 帝御于東庭遙拜 畝傍陵祈攘英艦二十九日
 御于東庭遙拜 狹城陵祈之東庭謂小御所東
 庭幕府賜京師民年八十以上者白金各二枚賜窮
 民錢或四千文或二千文先是寄人侍從藤原忠光
 出奔長門晦 詔褫其官位忠光前大納言中山忠
 能季子性勇悍與人論事動撫劔一日詣朝彦親王
 第與論外事忿爭拔刀追之不及懼而奔○四月
 勅分親兵屬左右近衛中少將權中納言藤原實美

月... 慶... 卷五... 一四... 其親... 藏... 反

大和
大水

新
部
微

司之實美贈右大臣實萬之子其母山内氏有烈名
喪夫薙髮稱貞誠院每實美朝誠之曰家有弟公恭
也汝竭忠於朝廷勿顧家身矣四日大和大雨水丹
波川新大和川皆決漂沒百二十餘村民溺死者多
紀伊仙臺等諸藩奏還國守海岸諸藩亡命等所在
樹黨私計攘舶月加歲盛幕府嘗為其在江戸者設
館于本所畜千五百人又館馬喰町客舍及傳通院
等畜四五百人號之新微部頃者部徒數百人分至
諸大商請攘役費不與狼籍而過府下大騷或云每
高謂曰如有軍旅起借一萬金因豫予假金文契不

長崎
申
絕

聽狼籍之九日幕府命酒井大久保阿部等五藩逮
捕之擊殺其魁高橋伊勢等四人擒黨十三人餘遁
亡十日梟二首于兩國榜曰神戶六郎岡田順三名
報國貪金銀騷市中動人心因誅之後三日餘黨三
四十人復起殘害市中命悉捕新微部發兵五千八
百圍之於是部長縛倡帥三十許人出之執部長二
人事平初近衛中將黑田齊溥侍從鍋嶋茂實丹後
守大村純熙同奉 攘詔往軍長崎各令其士卒曰
及戰勿顧顧即斬乃與奉行議罷互市欲悉燒市舍
為戰場因諭市民皆徙他每家留一人遂申距絕令

月台... 其親... 藏... 反

於外船外船皆怖請延絕於奉行或十日或五日而
魯西亞紅毛共上請曰互市何地何港維命之從敢
請許之英墨或方命而冠我二國援日本矣奉行答
曰今令也大名奉 勅來施故予不得為執事三藩
俱謂奉行曰延期即違勅矣必勿聽之再令外船曰
四月十五日為 距詔之期宜速還去既而諸外船
皆却去獨英咭喇不去然猶慎云至是齊溥歸福岡
飭藩備益發攘兵十一日 帝謁石清水廟祈外船
却去十二日還宮御道油小路橫大路淀街美豆關
白輔熙左大臣忠香權大納言家信忠禮資宗權中

帝謁
八幡
宮

納言實美以下縉紳二十名堂下若干與權中納言
慶喜及近衛中將容保近衛少將毛利定廣上杉齊
憲南部利剛侍從宗義達等大名十三名旗士若干
鹿兒嶋宰彈正仙臺宰小十郎等從焉初 帝欲授
節刀於大將軍也新裝 後鳥羽帝所鑄寶劍載之
而行而大將軍臨期稱病不從 帝乃欲授於慶喜
召進 廟階亦遠避不至故更召定廣 廟階手授
之云十七日 帝召大將軍及慶喜 詔大將軍教
十萬石以上諸大名入衛京師三藩同衛百日一替
詔慶喜適江戶距絕諸外夷以五月十日為之期

慶喜
奉讓
詔

大將軍適大坂
限於是定今歲衛節此月至六月安藝米澤中津自
七月至九月加賀備前盛岡自十月至十二月柳川
二本松大垣近衛少將毛利定廣朝告歸長門二十
一日德川慶喜朝告東進明日率諸旗本等發京師
大將軍適大坂途拜石清水廟自河口乘蒸氣船巡
視加田淡路武庫等海岸還在城召見大坂市人長
頒賜金一萬兩於諸市人二十三日遣左近衛少將
藤原公知巡視大坂紀伊淡路武庫海岸毛利蜂須
賀士卒屬焉或云和歌山細川山内士卒屬是日皇
姊淑子内親王乘絲葺車自内徙今出川桂殿公

行鑄錢儀
卿官婢多從儀如親子内王東降中川朝彦親王兵
部卿伏見貞敬親王季子有俠氣帝甚寵之故還
俗任彈正尹與聞朝政去歲營皇姊第于勘解由小
路至是成亦帝欲賜之於朝彦故使皇姊改居桂
殿尋賜朝彦其新第改中川曰賀陽殿上林池口有
一書函泛入油紙裹之題曰私開封必蒙日本六十
餘州神罰仕丁拾以進官女帝一覽曰善哉忠告
後日又拾如斯物皆致長橋局二十五日詔二品
行中務卿幟仁親王正五位下中務大輔卜部教久
正五位下中務少輔藤原資生行鑄大錢之儀賜號

曰文久永寶是歲二月幕府所鑄是也天保中幕府
 鑄當百錢也內大臣藤原公修奏宜行鑄儀于廷而
 寢不行至是其孫實美等奏曰不行儀于朝猶私鑄
 因追行徵其費於幕府納穀五百石加賀長門肥後
 筑前因幡肥前阿波彥根等諸藩奏請獻米而帝
 恤其守衛繁多弗聽幕府令天下曰有詔云攘夷
 五月十日為期限矣諸藩其益嚴海防有來寇掃攘
 之二十八日藤原公知歸自大坂幕府依例賜大通
 寺修六孫王廟金募修廟於清和諸武門并山城大
 和東海東山山陰山陽南海西海二十國江戶大坂

諸民但應募出錢多少任意今茲募之限來卯年○
 五月六日幕府奉勅進朝彥親王食封三千石貫
 名苞歿苞字君茂阿波人徙居京師以儒為業能書
 巨勝大障其妙愈見名聞海內又法元畫工山水自
 號海屋晚隱鴨村菘為其土名產因又號菘翁嘗其
 藏書納廟充一庫没年八十六姪祁稱右近繼業
 仕一條氏亦工書七日詔使文官皆每帶劔自上
 古文官士無佩劔雖大臣納言非兼近衛等武官及
 特勅聽之不得帶劔至是以世不平故革其典詔
 德川慶勝補翼大將軍米澤火八日德川慶喜至江

文官始佩劔

其親樓藏板

長行 贖英 船

長門 攘夷 外船

戶九日老中小笠原長行在橫濱與英咭喇金三十萬兩以償去歲嶋津家臣殺其官人十日夜毛利氏下關戍兵出庚申艦發煩擊一亞墨利加艦泊田浦洋中墨艦亦進發煩皆不達于陸又出一艦發煩交戰二十餘刻墨艦西遁二艦追擊而反初墨船欲赴長崎七日發橫濱此日申時過泊焉藤原忠光偶游下關屯中力勸戍將伐之使人入墨船申攘令即夜擊之云十一日大將軍自大坂還京師十二日入朝十四日德川慶喜在江戶上書關白輔熙至十九日其書到鷹司氏曰僕奉攘夷 聖旨而東發也雖則

長門 擊洋 艦

未有全勝之算而以 綸言如汗幕旨亦不可背欲與江戶諸有司共討外艦死之然而老中以下無一人與僕同心應之却生橫議懷疑是故不能遂行 聖旨焉僕不才不察江戶情實宇內形勢而奉攘夷重大之 命誠不堪恐懼之至仍而待罪伏願垂憐為僕奏請免此任云是日西洋艦一隻過長門赤間關海毛利氏戍兵發煩擊之外艦亦發煩而走赤間關即下關十六日夜 勅問過絕期不聞事於德川慶勝十八日慶勝奏對曰自赴距絕已來再三徵攘狀然未有所答故將馳使督責而事已惱 震襟

詔行罪

是軍職所以不可須臾安也乃將軍親馳距絕之他無復畫策矣祈更賜將軍東征之命十九日老中侍從水野忠精老中侍從板倉勝靜共詣關白輔熙第呈德川慶喜所致書并小笠原長行贖英帖白曰一橋中納言奉勅不能距絕小笠原圖書頭獨斷相與贖金中納言柔順圖書頭亡狀並不可任用請勅罷之削髮矣帝大怒長行自專二十日詔褫其官爵召忠精勝靜容保等命詰問長行罪罷其老中或傳命收封三條磧有一馘并記曰家里信太郎性姦佞素名教敗正議圖離間公武之事因戮之懲

刺公知

餘姦也是夜有斫殺參政右近衛權少將藤原公知于朝平門外公知權中納言姊小路公遂之子性剛直帝寵信之嘗乘氣船巡視海防會風波人皆失色有嘔血而公知為不動既著淡路州藩齊發十煩示之亦操扇自如武人皆驚嘆云死年二十七帝大嗟悼勅松平容保等急捕殺者二十一日大將軍上書曰昨日守護容保老中忠精勝靜所奏事件也臣無以對天朝之言而誠恐焉今者雖老中歸府接彼而既往難回矣故臣躬至小田原罰諸奸吏召一橋慶喜水戶慶篤切問江戸情實而急攘夷奏

月台所刊 慶應義塾 卷五 其親 卷五

長門
擊佛
艦

成功矣敢請聽臣發向二十三日佛朗西蒸氣船二艘西下過下關海款及長府戌兵擊鼓將發煩一艘驚鼓聲遁亡戌兵連發煩擊一艘亦發煩二三艘而走失操舵艦躋小倉岸際乃發數煩以泛艦走玄海二十五日 詔贈藤原公知參議左近衛權中將二十六日會津士卒入薩摩藩京邸執田中雄平雄平嶋津內藏家臣以之為殺公知者故拘也送市廳未訊自割腹而死公知之遇害有刺客三人公知臣吉村右京與一客鬪奪其刀刀柄有記曰藤原英鎮即雄平姓名人或云刺客安記己名於其刀中是

洋艦
入寇

洋艦
入寇

忌 朝威之徒嘗竊此刀以除 天子所倚賴臣及爪牙鹿兒嶋氏也然雄平愚直大耻失刀不欲自白焉憤誣自殺是日西洋蒸氣船一艘自西入寇下關發煩二十許次覆軍艦商船各一隻破龜山八幡祠之拜舍佛寺一宇市舍二三間無死傷者赤間軍令應六蓮島伐鼓而放砲龜山等五六臺自聞鼓大發煩終却之賊艦數被彈丸遁走檀浦戌兵發巨煩中之賊艦盤轉而去或云賊即阿蘭陀其犯我彈丸重六貫錢二十九日 勅免鹿兒島氏衛乾門松江氏代之以雄平故也○六月朔西洋軍艦一艘自東入

月台

卷之五

二

其親婁歲反

寇下關大發煩長門守毛利定廣與藤原忠光乘庚申艦發煩禦之退上陸益發煩少傾賊煩庚申艦覆之煩丙申艦及市舍二二間破之丙申兵傷者七人諸煩臺競發煩賊艦却舉狼烟前田臺發煩中之賊艦損而東走或云敵船英咭喇或云佛蘭西款藩飛檄小倉福岡久留米等求援二日紀伊界橋山名左所殺父讎津田勇助左父子勇助並土佐藩臣初勇助與左父佐爭事殺之出亡左忠三郎兄弟欲報之索仇十年勇助傭築友嶋煩臺左知之懇和歌山捕囚之脫走至界橋左忠三追及與鬪遂斬之夜江戸

山名兄弟復讎

西城災

西城災府下火會西南風急延燒之二日勅諸國大名曰自布告距絕期於天下以來列藩當攘斥夷船而藩有傍觀者朕心惱之夫長州已起攘兵矣皇國一體也其須互援掃攘不成國辱并力盡身遂行朝旨是日大將軍入朝告東歸先是有旨聽其東發於是奏言歸府訊償事於諸吏而正典刑帝賜之酒饌及贖物五日佛朗西等軍艦二艘至田浦呈譯書浦吏曰我無伐小倉地請安焉長州嘗擊我不意故致兵艦也既向檀浦杉谷大發煩犯之檀浦戍兵發煩十數次轉合前田禦之佛兵百許

洋艦入寇

人乘八子舟發砲而前前田臺頻發煩中之有斃子
 舟皆退五六町佛艦揚旗發煩而前岸間諸戍兵與
 前田兵皆大發煩却之可三町佛艦得援又前我兵
 佯退保長府佛兵復乘子舟前上陸發火箭焚前田
 臺柵及民家十五六間我兵俄出掩擊之佛兵爭先
 上舟而遁下關戍兵大發煩橫擊之殺數人佛艦皆
 退赴田浦小倉發兵備文司浦款人雜焉佛艦乃去
 夜泊周防洋中先是款藩遣其宰信濃等催應援於
 福岡久留米至是率兵若干而歸佛朗西一云英咭
 喇款藩上書奏國捷老中水野忠精奉教適淀城詰

因長

責小笠原長行徇私償英咭喇褫其老中囚之城
 去月二十日夜長行聞一黨憤償英刺松平信義續
 刺已將入邸潛遁浮海至大坂欲入京師理償事而
 又有別腸提火藥數十櫃北上事聞京師松平容保
 家宰與備前守池田修政及諸藩士卒至淀拒之在
 京亡命亦欲狙擊多伏淀北葭島者既忠精至誚罪
 囚之修政自請往拒修政實故源齊昭季子初繼忍
 松平氏覺其不厭互市出黨父之諸亡臣相俱擊直
 弼于櫻田岡山藩慶政賞其勤志請為嗣子云六日
 朝佛朗西等軍艦二艘復前大寇下關毛利氏等兵

月... 見...

大將 軍東 歸

與煩戰互有死傷及暮二艦從豐後洋遁亡九日大將軍發京師至大坂收小笠原長行囚之于城代松平信古館中或云東歸携之十日 勅諸國大名曰攘夷不竣命下相應援行之必勿如向旁觀菽藩矣十三日大將軍乘蒸氣船發大坂至十六日歸江戸十五日遣寄人左近衛少將藤原公董于長門賜紅白御旗于參議近衛中將大江慶親以特賞其能禦外寇兼巡視長門等海岸水戶會津伊達細川池田山內有馬等親兵數百人從先是慶親聞 天使西下獻其資金一萬兩於是 帝賜其二千兩于公董

賜御 旗賞 長藩

幕府 獻米

二千兩于從兵是日對馬藩宗義達丸龜藩京極朗徹奉 勅還國守海岸大將軍奏每年獻米十五萬苞以增供御米諸廷臣祿至秋納之每苞四斗九六萬斛也初供御田戰國時有山科十七邑是織田信長禍亂中所獻後世謂之 禁裏本御料至東照公增供岩倉三栖深草小栗栖籠原等十一邑獻 上皇湯沐一乘修學川嶋西鴨小野鄉大原野寺田並河千畑水所等二十三邑女院糶田鳥羽久我五箇庄木幡等八邑世謂之增御料而謂其供御亦曰本御料謂其上皇邑曰仙洞御料大猷公又獻八瀨

唐橋植野田原鄉和束鄉多賀櫃川三室等三十六
 邑謂之新御料世太平事物漸次華侈故供御或不
 給因其後每年納二條倉穀若干石稱為御貸米至
 是又有此獻而及諸臣初攘夷之令 朝廷屢發幕
 教未布故長門有寇也小倉中津等諸藩懷貳不救
 於是筑前黑田肥前鍋嶋等四族馳使至萩城曰貴
 國復有寇至必致援軍安藝淺野茂勲亦欲援之奏
 請二十一日發京師權大納言藤原俊克辭傳奏權
 中納言藤原雅典代之二十六日三條朱雀田上有
 一賊并榜曰此植村張者詐倡報國而之諸國今來

英艦
 入薩
 摩

洛陽黨惡徒謀動搖矣因誅之或云張正士欲勤王
 者二十七日蜂須賀齊裕獻御馬裝若干具古制盡
 美極巧云因幡藩再入京師二十八日英咭喇軍艦
 七艘來泊鹿兒嶋城下海口呈書求養向生麥被害
 者妻子金巨萬國守嶋津茂久等嘗以謂彼失禮於
 天使而我斬之而何贖之為於是使人接英咭喇
 人理辯其曲直

慶弘 紀聞 今日鈔卷之五終

